



Tillie Martinussen
Suleqatigiissitsisut sinnerlugit Inatsisartuni ilaasortaq

§ 37 202/2019-mut apeqquteqaammut akissut

17-06-2019
Sags nr. 2019 - 13678
Akt nr. 10914450

- 1. Mammografi atorlugu misissorneqartarnissamut periarfissat qanoq ippat, nakkutillinertut anguniarlugu siusissumik nappaammik suussusersiarnissaq aamma misissuisarnissaq Nuup avataani?**

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Akissut:

Kisimi Dronning Ingridip Napparsimavissuani mammografi atorlugu misissuinissamut atortoqarpoq. Mammografimut atortut atornissaanut aamma misissuinissamut piginnaasat immikkut ittut pisariaqartinneqarput. Taassuma saniatigut tarrasortinnerup assiliartai paasinissaanut nakorsatut immikkut piginnaasanik peqartariaqarpoq. Dronning Ingridip Napparsimavissua sapaatip akunneri arfinilikkaarlugit immikkut ilisimasalinnik, qingortaasartumik ivianginillu pilaasartumik, tikittoqartarpoq.

- 2. Arnat nappaataannik katsorsaannermut atatillugu pinaveersaartitsiniutitut misissuisoqartarnissaanut qanoq periarfissaqarpa soorlu illissakkut nappaateqalersinnaanerup paasiaartarnissaa siunertaralugu, aamma soorlu kiliortortilluni kræfteqalersimasinnaannermut misissuinerit ilanngullugit taamatullu nunami maani HPV-mut pinaveersaartitsinerit eqqarsaatigalugit, Nuup avataani?**

Akissut:

Peqqinnissaqarfik nuna tamakkerlugu illissakkut kræfteqarnermut misissortinnissamut neqeroortarpoq:

- Arnat 20 aamma 50 akornanni ukiullit ukiut pingasukkaarlugit misissortinnissamut aggersarneqartarput.
- Arnat 50 aamma 65 ukiullit ukiut tallimakkaarlugit misissortinnissamut aggersarneqartarput.

Napparsimavinni tamani illissakkut kræfteqarnermut, (cellenik tigusineq) ulluinnarni SMEAR-imik taaneqartartumik misissortinnermut neqerooruteqarpoq. Innuttaasut Nuummiittut aamma Ilulissaniittut ataavartumik aggersarneqartarput qaammatillu pingasukkaarlugit nukingisaarneqartarput. Illoqarfinni aamma nunaqarfinni allani arnat misissortinnissamut aggersarneqartussat allattorsimaffii napparsimavinnut aamma peqqissaavinnut pineqartunut nassiunneqartarput taamaasillutik arnat qaaqqunissaat isumagalugit. Taassuma kingorna nukingisaarinerit juni aamma novemberimi nassiussuunneqassapput.

HPV-mut kapitinneq meeqqanut kapitinnermut pilersaarummut ilaareerpoq.
Niviarsiaqqat 12-it sinnerlugit ukiullit HPV-mut kapitinnissamut neqeroorfigineqartarput.

3. Nuna tamakkerlugu qulaani taaneqartunut tunngasunik nakkutilliinermik pitsaasumik neqerooruteqartoqartarnissaa pilersaarutaava, soorlu nuna tamakkerlugu kapuuisarnermi taama periuseqartoqartartoq?

Akissut:

Apeqqu 2-mut akissut takuuk.

4. Nunatsinni periarfissat qanoq ippat, aamma Nuummi, sapingaqaqarnermut misissortinniaaraanni, soorlu taaneqartartoq priktest atorlugu?

Akissut:

Sapigaqarneq arlalitsigut misissorneqarsinnaavoq. Priktestimik misissueriaaseq misissueriaasiuvoq ataaseq, tamannali Kalaallit Nunaanni atuutinngilaq. Pissutaasut ilagaat Danmarkimiit aamma nunanit allanit priktestit sapigalinnut misissuinerit Kalaallit Nunaanni innuttaasunut sapigalinnut allaanerullutik, soorlu ass. ivikkat suussusai allat aamma oquit allat. Taassuma saniatigut priktestimut atortut sivikitsuinnarmik atasinnaapput, taamaattumillu nunami maani annerpaataani neqeroorfigineqarnissamut qulakkeerutaasinnaanani.

Taamaattumik peqqinnissaqarfik tunngaviumik iliutsit pingasut assigiinngitsut sapigaqarnermut misissuinerit atortarpaat: elimination-imut misissuineq, lappe-mik misissuineq aamma aaversinneq.

Elimination-imut misissuineq tassaavoq ajornartorsiutip pissutaata peernissaa siunertaraa. Misissuineq tamanna siullertut misilinneqartarpoq, amerlanertigut tamanna akissutissarsiffineqarsinnaammat imaluunniit suna saperserlugu paasinissaanut periarfissiisarmat, taamaalilluni misissuinerit allat misissorneqarsinnaalerlugit.

Lappe-mik misissuinerit inersimasunut assamigut eksemertunut atorneqartarpoq. Misissuineri nipputtartut assigiinngitsut timimut nippussuunneqartarput taamaalilluni sapikkap aallartiffia annikitsunnguamik paasineqarsinnaalerluni. Nipittartoq sivikitsumik nipitinneqassaaq amillu qisuariarnera paasiniarlugu.

Napparsimasooq assersuutigalugu oqummik, laktosemik, cøliaki imaluunniit nerisassaq soorlu peanutsinik sapigaqaqarnerooq pasitsaakkaanni aaversinneq atorneqakulasarpoq.

5. Qulaani taaneqartut arlaannaalluunniit ajornarpat Naalakkersuisut qinnuigineqarput nassuiaqqullugu sooq ajornarnerooq.

Akissut:

Apeqqu 4-mut akissut takuuk.

6. Naalakkersuisut allanik soqutiginarsinnaasunik paasissutissiisinnaappat?

Akissut:

Allanik paasissutissaqanngilaq.

Inussiarnersumik inuulluaqqusillunga
Med venlig hilsen


Martha Abelsen